



## Komunikado di prensa

18 di yùni 2024

### **Cft: Saba ta sigui desaroyá maneho finansiero**

**The Bottom – Riba 18 di yùni 2024, Kolegio di supervishon finansiero di Boneiru, Sint Eustatius i Saba (Cft) a bishitá Saba. Ayanan, e Kolegio a papia ku e Kolegio Ehekutivo tokante di e desaroyo kontinuá di maneho finansiero i e desaroyo organisashonal inisiá. Ademas, a deliberá tokante di e ambishonnan di Saba riba e tereno di – entre otro – siguridat di supsistensia i e desaroyo ekonómiko di e isla. E pagonan spesial ku frekuentemente ta forma parti di e ambishonnan aki, ta pone preshon riba e presupuesto.**

Durante su bishita, Cft a dediká atenshon na e mehora kontinuá di maneho finansiero. Apesar ku ya kaba for di 2014, Saba ta risibiendo deklarashonnan di ouditor aprobatorio tokante di e kuantanan anual, maneho finansiero i e desaroyo di e organisashon (finansiero) tin prioridat riba e agènda di e Entidat Públiko. Cft a papia ku e tim di planifikashon i kontrol di e departamento di finansas, i ta haña ku e pasonan ku a ser duná pa desaroyá maneho finansiero ta algu sumamente positivo.

Na 2023, Hulanda i Saba a sera un akuerdo di gobernashon. E akuerdo aki ta enfoká riba mehora di siguridat di supsistensia, desaroyo ekonómiko duradero, klima i naturalesa, i fortalesementu di bon gobernashon. Cft a deliberá ku e Kolegio Ehekutivo tokante di e progreso di e akuerdonan atministrativo aki, i nan efekto riba e presupuesto. Un parti konsiderabel di e proyektonan ta ser finansiá for di e pagonan spesial, loke ta pone preshon riba e presupuesto regular. Esaki ta debí na e echo ku invershonnan, manera e konstrukshon di e haf nobo, ta kondusí strukturalmente na gastunan mas haltu pa maneho, mantenshon i remplaso.

Pa finalisá e bishita, Cft a bishitá algun proyekto dirigi riba e desaroyo ekonómiko duradero di e pais.

[Fin di komunikado di prensa]

**Potrèt:**

Cft

**Deskripsjon di potrèt:**

E pagonan spesial ta pone preshon riba e presupuesto.

**Nota pa e redakshon – no publiká**

Persona di kontakto di Cft:

Sekretariado di Kolegionan di supervishon finansiero  
Telefòn +5999 461-9081/ +5999 461-9082 / +5999 461-9084  
Koreo elektróniko info@cft.cw  
Wèpsait [www.cft.cw](http://www.cft.cw)

Kontaktonan di prensa:

Jefka Alberto  
Telefòn +5999 512-6861